

ZOVENTÛT COME A UDIN...

Ce vevie mo si speciâl la zoventût di Udin, che no si `nt cjatave di compagne in nissun lûc? Nuie. No jere la zoventût di Udin ch'è jere speciâl, ma la zoventût, la nestre zoventût, ridusude aromai a un ricuart. E in chest ricuart de nestre zoventût masse curte, no podìn no fâ un confront cu la zoventût di vuê, cun chei che vuê a gjoldin, o no gjoldin, chel ben che nô no vin plui. Un confront che nus jemple ancjemò di plui di sconfuart. Parcè che la zoventût di vuê no je la nestre zoventût. Mi vignarès di dî che no je nancje zoventût, ma une infanzie sprolungjade o une vecjae anticipade. Come fevelâ, in primavere, di un inviêr che nol rive a cricâ o di une sierade improvise e dolorose.

Lu diseve par altri ancje Pier Pauli Pasolini, chest pensadôr cussì orgjinâl e profetic, cussì lucit e cussì disperât, fevelant dai zovins de periferie romane, e duncje de classe sociâl plui puare e mancual incuinade, che no tignive la lum ai siei amîs di Cjasarse. Paragonant la zoventût a une rose, a un garoful, come che al è just, Pasolini al diseve che la zoventût di vuê e je un garoful che al stente a viergisi ma, une volte viert, al devente subit slavrât, volgâr, cence nissune bielece ni pudôr, come se al ves tal mieç un viêr che lu coromp e lu consume. Il lôr cuarp, dât fûr a colp e rindût ancjemò plui plastic dal ben stâ e des ativitâts ludichis e culturistichis, al è statuari ma distudât, glaçât, cence anime.

Zoventût vive par di fûr ma in Realtât muarte. Vive par consumâ, par finî di fiscâ i valôrs di gjenerazions e gjenerazions, ma ciniche, egoistiche, materialistiche, cence religjon, cence ideâi, cence svuâi, cence motivazions, cence emozions che no van plui in sot de epidermide. Zoventût violente, maladete, danade.

Al è evident che no podìn permetisi di gjeneralizâ, come che ducj i zovins a fossin come che ju viodeve Pasolini, par altri no simpri model di virtût e nancje di imparzialitât. Prin di dut parcè che i zovins, come dutis lis personis, a van cjapadis e cjaladis une par une, par chel principi fundamentâl di sapience che ogni persone, e duncje ancje un zovin, al à une identitât uniche e irepetibil. In plui ancje il sengul zovin al gambie tal timp e tal mudâsi dal contest culturâl, economic e sociâl, tratantsi di une etât instabil par definizion. E misteriose. Lu ricognosseve in mò la Bibie: "Trè robis a son masse griviis par me, cuatri propit no lis capîs: la strade de acuite tal cîl, la strade dal sarpint sul cret, la strade de nâf tal mieç dal mâr e la strade di un om te sô zoventût" (Prov. 30,19, Vulg.).

Cuant che l'autôr cence non ma no cence profunditât psicologjiche al scriveve chestis robis, o jerin ben lontans dai ribaltions di vuê. Epûr ancje i gjenitôrs d'in chê volte ur capitave di sveâsi une dì e, cjalant il

fi o la fie, di scugnî dî: "Cjale po: no lu cognòs plui!". Se chest al valeve tai secui che la societât e leve indenant cul pas dal cai, ce vino di pratindi cumò che une gjenerazion e fâs par un secul? Duncje une certe sorprese o vin di metile in cont e partî za cul principi che i nestris fîs a son une sorprese ancje par nô. Forsit ancje par lôr stes, che a stentin a cognossisi e a ricognossisi. Par altri al diseve un scritôr: "Se tu capissis in dut to fi, al vûl dî che nol à fat nuie di gnûf. Al è vieli come te". Cjapant sù l'onôr e il pês de paternitât e de maternitât, o vin di cjapâsi sù ancje l'impegn di volêur ben ai nestris fîs come che a son e no come che ju volin nô. In gjenar la nestre sorprese e delusion e partîs dal fat che i fîs no corispuindin al nestri progjet che o vin fat su di lôr. Parcè che, disînsal clâr, ogni gjenitôr al à un progjet sui fîs, une ambizion, un desideri, un sium ancje legitim e sacrosant: di fâlu diventâ ce che no vin podût diventâ nô, a cost di sacrificis cence numar. Il pari lavorent al smicje un fi cun tant di diplome o lauree; un pari che al à scombatût e tribulât al fâs vitis di cjan par che so fi al fasi une vite bieles, comude, cence fastidis. Ma esal just? Esal pussibil?

Intant no varessin mai di pensâ nô ce che al à di fâ il fi, ma o varessin di studiâ cun afetuose atenzion ce che il fi al è clamât e puartât a fâ, ancje se no nus plâs. Parcè che i zovins no son une nestre proiezion o un nestri inviestiment, ma a àn une lôr personalitât e individualitât. Che e va rispietade fin dapît. No son robe nestre, ancje se a vegnin fûr di nô. In plui o disarès di cjalâju cun simpatie. A son la nestre continuazion, il nestri doman, il nestri inviestiment plui prezîôs, il nestri tesaur plui grant. Plui de cjase, de tiere, dai bêçs. Plui che fâur predicjîs, che no servissin, cirî di dâur esemplis. Plui che lamentâsi che a son cence principis o ideâi, domandîsi ce principis che ur vin insegnât e ce ideâi che ur vin mostrât cu la nestre condote di ogni dì. Se no àn afiet pe culture e pe religjon, domandîsi ce culture che ur vin passade e ce religjon che ur vin comunicade. La lôr mancjance di principis in font e je il spieli nût e crût de nestre gjenerazion materialone, dute cjapade tal lavorâ e tal ingrumâ. Plui che berlâur a lôr il lôr tradiment, cjalî al nestri tradiment tai lôr confronts. A pensâle ben, a son lôr che a varessin di fânus l'esam di cussience a nô e no nô a lôr. Parcè che la roste e je slacade cu la nestre gjenerazion passade de miserie a la bondance. Lôr a puedin dome finî di fâ la vore che o vin scomençade nô.

Visînsi ogni tant che i nestris zovins no ju à puartâts la cicogne e nancje no ju vin cjatâts sot de verge. Ju vin fats e ruvinâts nô, magari cence volê e a fin di ben. Dant plui dal lecit, soledut dant robis matereâls impen di jemplâur l'anime di spiritualitât e la ment di culture. Cirî di vê ancje un fregul di ironie e di onestât: nol è dut malât il mont dai zovins, come che nol jere dut san il nestri mont. Cirî di tignîur simpri la puarte vierte e il cûr spalancât par cuant che a vessin di tornâ dongje se mai si fossin slontanâts. In font ogni

gjenerazion e je scjampade di cjase. Il segret nol è chel dal no falâ, ma chel di imparâ dai fâi e soledut di savêsi capî e perdonâ.

Setembar 2005

GIOVANI COME A UDINE

(è una frase di una nota Villotta friulana, n.d.r.)

Cosa avevano di particolare i giovani udinesi, che uguali non se ne trovavano da nessuna parte? Nulla. Non erano i giovani di Udine speciali, ma la giovinezza, la nostra giovinezza, rimasta ormai solo nei ricordi. E ricordando la nostra giovinezza troppo breve, non possiamo non fare un confronto con i giovani d'oggi, con quei giovani che oggi godono o non godono l'età che noi abbiamo ormai perso. Un confronto che ci riempie maggiormente di sconforto. Perché i giovani d'oggi non sono i giovani di una volta. Mi verrebbe da dire che non c'è nemmeno gioventù, ma una infanzia prolungata o una vecchiaia anticipata. È come parlare, in primavera dell'inverno che non riesce a dileguarsi o di un autunno repentino e doloroso.

Lo diceva, d'altra parte, anche Pier Paolo Pasolini, pensatore davvero originale e profetico, ma anche lucido e disperato, parlando dei giovani della periferia romana, e dunque della classe sociale più povera e meno inquinata, ma non in grado di tener testa ai coetanei di Casarsa. Paragonando la gioventù a un fiore, a una rosa, com'è ovvio, Pasolini diceva che la gioventù d'oggi è come una rosa che stenta a sbocciare e, una volta sbocciata, diventa subito sguaiata, volgare, senza alcun fascino e pudore, come se avesse all'interno un verme che la rode e la avvizzisce. Il loro corpo sviluppato repentinamente e reso ancor più plastico dal benessere e dalle attività ludiche e culturistiche è statuario, ma spento, freddo, senza anima.

Gioventù viva esternamente, ma in realtà spenta. Viva per consumare, per completare lo sradicamento di valori di generazioni e generazioni, ma cinica ed egoista, materialiste, senza religione, senza ideali, senza sogni, senza motivazioni, senza emozioni che non vanno oltre l'epidermide. Gioventù violenta, maledetta, dannata.

È evidente che non possiamo permetterci di generalizzare, come se tutti i giovani fossero come li vedeva Pasolini, per altro non sempre modello di virtù né di imparzialità. Innanzitutto perché i giovani, come tutte le persone, vanno presi e guardati uno per uno, per quel principio fondamentale che ogni persona e dunque anche un giovane, ha una identità unica e irripetibile. Inoltre il singolo giovane cambia nel tempo e nel modificarsi del contesto culturale, economico e sociale, essendo la sua una età instabile per definizione. E pure misteriosa. Lo riconosceva già la Bibbia: "Tre cose mi sono difficili, anzi quattro, che io non comprendo: il sentiero dell'aquila nell'aria, il sentiero del serpente sulla roccia, il sentiero della nave in alto mare, il sentiero dell'uomo nella giovinezza" (Pr 30,18-19 Vulg.).

Quando l'autore senza nome, ma non senza profondità psicologica scriveva queste cose, eravamo molto lontani dagli sconvolgimenti odierni. Eppure anche ai genitori di allora capitava di aprire gli occhi un giorno e, guardando il figlio o la figlia, di dover dire: "Ma guarda, non lo riconosco più!". Se questo valeva nei secoli in cui la società procedeva con passo di lumaca, cosa possiamo pretendere ora che una generazione cambia rapidissimamente? Dunque una certa sorpresa dobbiamo accettarla e anche presupporre che i nostri figli sono una sorpresa pure per noi. Forse lo sono anche per se stessi, e hanno difficoltà a conoscersi e a riconoscersi. D'altra parte diceva uno scrittore: "Se comprendi totalmente tuo figlio, significa che non ha nulla di nuovo. È vecchio come te" Assumendo l'onore e l'onere della paternità e della maternità, dobbiamo assumerci anche l'impegno ad amare i nostri figli così come sono e non come li vorremmo. Di solito la nostra sorpresa e

delusione partono dal fatto che i figli non corrispondono al progetto che i genitori hanno su di loro. Perché, diciamocelo chiaramente, i genitori hanno un progetto sui figli, una ambizione, un desiderio, un sogno legittimo e comprensibile: far realizzare loro ciò che non hanno potuto realizzare personalmente, a prezzo di sacrifici innumerevoli. Il papà operaio desidera un figlio con il diploma o con la laurea: un papà che ha lottato e sofferto si sacrifica senza sosta affinché il figlio realizzi una vita bella, agiata, senza preoccupazioni. È giusto? È possibile?

Innanzitutto non dovremmo pensare quello che devono fare i figli, ma dovremmo seguire con affettuosa attenzione ciò per cui il figlio è chiamato e portato a fare, anche se a noi non piace. Per ch  i giovani non sono una nostra proiezione o un nostro investimento, ma essi hanno una loro personalit  e individualit . Che va rispettata fino in fondo. Non sono propriet  nostra, anche se noi li generiamo. Inoltre direi di guardarli con simpatia. Sono il nostro prolungamento, il nostro domani, il nostro investimento pi  prezioso, il nostro tesoro pi  grande. Pi  della casa, dei terreni, dei soldi. Pi  che fare loro prediche, che non servono, cerchiamo di dare l'esempio. Pi  che lamentarci che sono senza principi o ideali, chiediamoci che principi abbiamo loro insegnato, che ideali abbiamo loro indicato con la nostra condotta quotidiana.. Se non hanno affetto per la cultura e per la religione, chiediamoci che cultura abbiamo loro trasmesso e che religione abbiamo testimoniato. La loro mancanza di principi, in fondo,   il segno pi  chiaro ed evidente della nostra generazione materialista, tutta impegnata nel lavoro e nel mettere da parte. Pi  che sgridarli per il loro tradimento, guardiamo il nostro tradimento nei loro confronti. A ben riflettere, sono loro che dovrebbero farci l'esame di coscienza e non viceversa. Perché l'argine   crollato con la nostra generazione passata dalla miseria all'abbondanza. Loro possono solamente ultimare l'opera da noi intrapresa.

Ricordiamoci ogni tanto che i nostri giovani non li ha portati la cicogna e nemmeno li abbiamo trovati sotto i cavoli. Li abbiamo fatti e rovinati noi, forse senza volerlo e a fin di bene. Dando loro pi  del dovuto, soprattutto dando beni materiali anzich  riempire la loro anima di spiritualit  e di cultura. Cerchiamo di mantenere un po' di ironia e di onest : il mondo giovanile non   completamente ammalato, n  era completamente sano il nostro mondo. Sforziamoci di tenere sempre la porta aperta e il cuore disponibile qualora desiderassero riavvicinarsi se per caso si fossero allontanati. D'altra parte ogni generazione si   allontanata da casa. Il segreto non sta nell'evitare errori, ma nell'imparare dagli errori e soprattutto nel saper comprendere e perdonare.

Settembre 2005